

瑞金縣志卷七

武進張國英重修



人物志 上

鄉賢 忠烈 孝友 事功 文苑

義行 隱逸 耆壽 節孝 貞女烈方伎附

詩曰維嶽降神生甫及申傳曰部婁無松栢故人物雖產於天亦必得地之助兩間清淑之氣合而鍾其靈者即散而毓其秀特無德澤以涵濡之斯鬱而不發耳江右如曾南豐歐陽永叔文文山鄒忠介羅念庵諸先正相繼而起代有傳人瑞自宋迄今若劉諫議父子之忠烈楊氏謝氏瑞金縣志 卷七 人物志 一

聖人御宇化洽寰區名世之儒必有應運以興者又何慮乎莫為之前雖美弗彰莫為之後雖盛弗傳也哉因得撰次諸賢而濡筆以埃之作人物志

鄉賢

記曰凡有功德于民者則祀之以死勤事以勞定國能禦大災能捍大患此其最著者也士大夫生桑梓之邦或出而立朝廷以天下爲己任所至著有循聲或老處巖穴之中敦品立行好學不倦亦足以扶植名教或遇寇盜竊發倡義鄉閭耿耿精忠爲厲鬼以擊賊其高風勁節雖俎豆千秋可也安得不于鄉賢乎志之

唐

馮祥興雩都之象湖鎮人後分隸瑞金與二弟祥禎祥兆皆武勇尙義唐僖宗廣明間黃巢陷長安傾貲募兵勤王二弟沒于陣祥興累功爲將軍詔使歸圖盧光稠及境光稠遣部將黎破家陰刺之投屍羅溪數月不流因旱遺骸露猶有生氣人神之葬于溪南復爲立祠祀之

宋

劉鵬字時舉元豐二年進士知華亭修明學校教化大行擢監察御史時朝廷欲相蔡京鵬連章諍之不報京旣入相首議復王氏之學籍元祐黨人鵬諍之益力遂出知廣德軍尋拜諫議大夫鵬以言旣不用因辭出知壽春遂家焉著有縣務綱目二十卷凡四十四門四百七十四事其說不止於作縣事而事關縣務者爲多

一統志江西人物攷合撰

瑞金縣志

卷七

鄉賢

二

舊按西江志鵬傳疏論蔡京在爲諫議之後而無知壽春之文今從安志補入舊志亦無著述今從文獻通考補錄

龔彭壽字彥宏深於易學紹興中流賊犯境母老病不能走避彭壽守母賊來願代母死哀號不忍聞賊委之而去子母得全

贛州府志

劉十六郎名清甯字月朗建炎中雩都狗脚洞賊李鐵面聚衆數萬乘亂寇掠虔州朝命岳飛提兵征討賊攻瑞邑十六郎及其弟十七郎十八郎兄弟三人集義勇擊賊于羊眠岡賊敗走十六郎等乘勝追至雩都連破其衆飛適至

瑞金縣志

卷七 鄉賢

三

雩聞之大喜遣使勞之十六郎等遂從飛爲先鋒屢立戰功紹興中淮賊李成黨馬進犯洪州張浚請飛合兵共勦十六郎兄弟從飛潛渡生米破賊于西山後復大破李成于樓子莊江淮遂平三年吉虔盜彭友李鐵面等復率衆寇掠飛遣十六郎等分兵勦捕所向克捷賊恨甚欲潛師襲瑞掠十六郎家屬而甘心焉十六郎星夜歸援復破賊于羊眠岡賊遁歸十六郎追至瑞林寨賊已渡河十六郎乘舟欲濟至中流風起舟覆人馬溺死大半十六郎兄弟游水至岸手無寸鐵衣甲沾濕賊回兵圍之數匝十六郎兄弟身被數十鎗猶奪賊刀奮勇格鬪殺百餘人而死飛

聞之痛惜累日遂錄其事上聞詔贈懷遠將軍命有司建祠祀之

舊按劉十六郎傳舊志所載甚畧今據裔孫劉漢遷所作家傳補撰漢遷云考之舊譜及他書與故老傳聞事實如此且姓字年月地名鑿鑿有據其第宅在鷺嶺下遺址尙存今棠背瑞林寨羊眠岡皆有祠宇諒不誣也又云十七郎名清秀十八郎名清雅當十六郎兄弟圍困時有部將張太伯疾馳來援已無及矣乃昇三人屍瘞于瑞林寨田坑次日乃詣飛軍前報知皆舊志所無者因并識于此

瑞金縣志

卷七 鄉賢

四

賴夢雷字禧之嘉定辛未進士累官監察御史以骨鯁退休
贛州府志

明

湯拱字世極嘉靖辛卯選貢授太倉州同知守已清白處事
詳慎升成都府通判以征番督餉功升俸一級丁內艱復
補衢州攝常山禱雨輒應民有六月甘霖回赤土萬家香
火拜清官之謠升達州知州利弊興革不遺餘力乞休歸
築別業于龍山之陽布袍素履泰然自得太倉衢州皆祀
名宦

楊以傑字惟舉萬歷戊子舉人初知安化縣舉卓異升浙江

處州同知肅清軍政緝撫礦盜歷署各縣定編審條例各縣刊勒遵守遷貴州都勻知府值苗亂以傑佐巡撫張某討之斬九千餘級築京觀勒記于衢招撫竄亡復業二萬餘口民立廟祀之乞休歸銓部論功以副使缺起用不赴杜門却掃惟與其徒講學論文尤精究濂溪之學學者稱閔濂先生辛未廣寇鍾三舍起以傑率邑人增高城堞置守具練士卒寇至斬其渠帥焚其營壘城賴以完

贛州府志

朱國卿字敬之天啟甲子舉人天性孝友學問醇粹與同邑楊惟節謝子啟等結社赤水號赤水六雋居父喪泣血三年如一日處異母兄友愛無間言累爲當事所褒獎後上

瑞金縣志

卷七 鄉賢

五

公車卒于京邸知縣吳可敷建四賢祠祀之

楊以任字惟節號澹餘年十九中萬歷戊午舉人爲人負忠孝至性父以除夕死每度歲必痛哭不食有外甥無父以任曰無父者予子之有外母無子以任曰無子者予母之合二家食之無間言與同邑朱敬之謝士芳子起兄希元姪汝基結赤水社未幾敬之計偕客死士芳子起汝基省試遇盜溺水死以任時上公車舟過吳城聞訃返棹奔哭其尸營殮葬畢無子者爲之立後復立四賢祠祀之性慷慨喜談兵戊辰下第歸巡撫魏公照乘畱之讀書南昌之西山是時朝廷數有邊警徵天下巡撫兵入援以任上書

魏公以趣其行詞旨激昂識見老練魏公嘉納是冬歸里
閩廣流寇起掠瑞邑公與兄以傑以旦倡義舉各歛貲增
修城堞饗士卒身雜行伍中寇至與戰克之邑乃定幸未
成進士江撫請營豐城白陽備寇出入以任曰瑞邑桃陽
爲閩寇門戶守堂奧不守藩隅可乎乃疏請營桃陽例應
授縣辭改應天教授金陵士爭趨之自矜爲楊門弟子癸
酉分校閩闈所得皆知名士明年升南京國子監博士卒
于官年僅三十五大司馬呂公維祺銘其墓門人邵之禎
等進祠于南京名宦著有讀史四集京學志名臣言行錄
非非室初刻二刻與陳羅章艾並稱江西五大家

瑞金縣志

卷七 鄉賢

六

楊以位字達素天啟辛酉歲貢初任萬安訓導升饒州府教
授性孝友父易簣囑以幼弟二人以位竭力教養婚娶二
弟後俱有聲庠序歷教課士多騰達者居家潔已範俗正
身率物里人化之學使侯公額其閭曰栗里風高足跡不
入公庭邑令倪嘗欲屈致之以位曰見倪父母豈不得所
欲但恐徐孺子笑人卒不往沒祀鄉賢

新增無

忠烈

死生之際亦大矣哉變未發而談節義人人皆自命為忠臣及乎事起倉卒而身家妻子之念重則雖學問經術迥異庸流而遲迴不決鮮不為褚淵馮道者矣瑞金自建邑以來七百餘載于忠烈之士得三人焉曰劉舉夔曰鍾良則曰謝長震或仕或不仕要皆慷慨捐軀從容就義不降志以辱身其亦綱常名教藉以不墜者與故特表而錄之

宋

劉舉夔鵬子以父蔭補北靖州知州靖康初州陷于金舉夔被執不屈潛以蠟書達朝廷備洩敵情且勸進取恢復時

瑞金縣志

卷七 忠烈

七

秦檜主和議匿不以聞反以書遺金遂遇害

一統志江西人物志合撰

明

鍾良則字毅成承鄉三里人明崇禎間為邑諸生倣儻明大計遇事勇決敢為甲申由徵辟准歲貢尋聞燕京破莊烈帝徇社稷撫膺慟哭日夜不絕聲思一死以報國而未獲其所丙戌

大清兵圍贛唐藩自閩遣吏部郭維經御史姚奇允赴援道過瑞金聞良則名就見與語大奇之奏授推官監軍事與同入贛是時大軍屯城外五月鉦鼓聲聞數十里水陸路絕良則率敢死士衝營突進援兵鼓噪從之大軍移駐水南

贛之餉道始通總督萬元吉大喜因就謀制水南策良則曰贛城三面阻水獨東南教場及天竺山二處地勢平行又望江樓下龜角尾隙地宜防衝擊願與姚公當此一面良則分守望江樓大兵屢來攻擊良則捍禦彌力兵稍却維經欲遣良則督餉于楚良則見勢危急誓與城存亡不肯尺寸離去既城中食將盡人無鬪志良則乃募人從間道上封事于唐藩欲出奇兵分三道潛抵吉水龍泉張家渡以撓大兵為圍魏救趙之策疏入不報良則歎曰事至此不可為矣惟一死以遂吾志耳乃賦從征行以見志遺書與家人決惟囑其子葬母餘無所及十月三日大兵自南門登城遂陷良則率數十人巷戰以死崔太史曉為作忠烈傳進賢傳鼎銓甯都邱邦士魏叔子皆有詩弔之

國朝

瑞金縣志

卷七 忠烈

八

謝長震字象先邑諸生性剛方疾惡如仇遇亂為賊所執威辱百端竟不屈罵賊而死長汀黎士宏為作義烈先生傳
贛州府志

義勇附

夫兔置寓武干城兼為腹心駟騫與師同澤偕修矛戟蓋治化所感天性所發雖市井草莽值大義所在無不奮力爭先瑞邑鄉賢如馮將軍祥興劉將軍十六郎諸公皆以

章布著勤王績封爵立祠邈難及矣即在昔歷逢兵寇士庶人皆有敵愾之心其間戰勝者身名俱泰而爲義捐軀如諸生李開上武生李生艷及排門義勇附祀忠令祠姓名赫赫至今未泯近惟咸豐七年以來邑境迭被寇擾城鄉紳民俱懷義憤或結隊勦匪或出寨驅賊果毅旣迴固多克捷之功而苦戰殞身被擄不屈死者亦復不少前令及學官據難裔稟報申省咨部得邀優卹

聖朝深仁厚澤新興頒行誠爲前代所未有而効忠之士民毅魄英光亦庶幾與前人相輝映也爰作義勇志凡紳衿荷贈銜襲職者分列姓名綴以事略士民祇膺卹賞者總

瑞金縣志

卷七

義勇附

九

其大概聯姓名而錄之間有未及稟報事屬可據亦核實補入一二總期無濫無遺可播傳於後云爾

武生賴掄魁年老志壯於咸豐七年丁巳四月十八日逆匪攻撲縣城生出接仗舞矛揮刃殺賊甚多併斃賊目四名奪賊馬一疋連掛賊首於馬項賊繼隊圍之陷淖間受擠死而死

監生楊子濤帶勇賞罰甚公屢勦土匪皆先行有功丁巳四月十八日逆匪至郊奮力迎擊賊入城後監選勁勇欲伺虛擣營爲賊覺隘道被執賊首聞監善帶隊勸以肯降優待監屹立援大義怒罵賊卒敲其膝坐地罵愈厲自頭至

腹背鞭笞交下暈仆地俄甦罵使速全節賊見不可屈乃殺之

監生周光芬城內團長丁巳四月十八日帶團勇禦賊戰敗身受重傷而亡

武生胡廷奏丁巳賊踞城出掠西郊生帶勇捍禦至胡嶺背險處力竭身亡

童生賴光珊丁巳四月十八日與賊接仗殺賊數人五月帶勇與賊巷戰受傷而死

監生鄒有忠丁巳四月二十六日踞城賊出擾浮四鄉監於武陽圍列陣截殺中回馬鎗而亡

瑞金縣志

卷七

義勇附

十

監生鄒有瑞丁巳四月與鄒有忠同時禦賊被賊刀傷而亡
生員胡會榆藍田團隊長丁巳五月二十八日在賴婆地禦石賊首來隊奮呼驅殺次日帶隊出村被羣賊環攻而亡
監生賴光瑜夏塘團隊長丁巳閏五月十三日帶勇攻賊戰敗陣亡

童生黃傳保丁巳閏五月初一日帶隊攻賊受傷陣亡
武童鍾章標丁巳閏五月初一日帶勇勦賊身受重傷猶手刃賊數人被賊剖腹而死

監生袁高禮居浮四鄉黃田村丁巳四月賊竄入黃田村監率族人驅之賊走村安十一月帶所練族勇與邑城鄉衆

往援石城既至次日即出戰監結束軍裝領隊前行手劍指揮遇賊便殺勢如破竹連衝九營賊窘欲逃渡河逢新漲多溺死未渡者擁回遂死戰圍監數重羣交擠之仆復起殺數賊而死次夜賊盡遁其弟往收殮喉穿項領全面尙如生

監生范明煌援石城三次皆帶勇前進第三次趨近袁高禮隊見袁困垓心欲衝圍往救之而後軍已潰監單隊交鋒被創愈奮數賊以大旗交撲之剖腹而死

以上皆奉 部准給卹銀外給雲騎尉世襲襲次完時給予恩騎尉世襲罔替

瑞金縣志

卷七

義勇附

十一

生員郭雲淦謹愿勤學丁巳四月十八日賊入夏塘生與弟扶母避難遇賊遮護母身賊逼使從去不屈被害奉 部議加贈鹽運司知事銜蔭一子入監讀書六月期滿以縣主簿註冊候詮

生員鍾觀旦丁巳四月扶母避難遇賊被害

生員楊思白丁巳四月遇賊被害

例貢謝士芹咸豐八年戊午三月遇賊被害

生員賴薦馨戊午九月禦賊而亡

軍功曾宣玉戊午九月十五日帶勇在徐口河禦賊力戰而

亡

生員楊金三戊午年十月禦賊被執賊以刃脅從不屈剖胸而死

歲貢楊家啟同治三年甲子八月禦賊而亡

例貢楊元鋒甲子八月禦賊而亡

廩生鍾還昌甲子八月禦賊而亡

以上姓名皆奉 部准卹賞給雲騎尉世襲襲次完

時不給襲

從九品楊元珊甲子七月殺賊陣亡奉 部議卹賞給雲騎

尉世職襲次完時給恩騎尉世襲罔替

以上二十三人皆入祀省城昭忠祠

瑞金縣志

卷七

義勇附

十二

咸豐七年殉難紳民鍾道祥李傳海謝祖香謝大告謝光玉

謝光機謝光俸謝文春謝文萬監生鍾道鱗監生鍾道鯨

團勇賴光彪賴輝熠賴輝珍賴輝祥賴光燠賴輝芹賴光

錚賴遠檀賴輝珠賴滙川賴輝錙賴遠城賴輝晃賴輝桓

賴輝辰賴仕桂賴李塘賴光文賴光焯賴光信賴輝炤賴

光煜賴顯漢賴光煦賴輝泗賴遠鶴賴輝悅賴光揚賴遠

鵬賴上明賴上霞賴照雲賴上連賴上春賴國富賴輝盛

賴輝漁賴春祥賴輝源賴士蘭賴遠標賴光鉸賴輝苔賴

遠嵐賴遠源賴光茂賴光烈賴光焰賴輝鉞賴輝鈞賴光

錚賴遠瑞賴輝鑑賴顯芬賴晉賴惜庵賴老虎坑監生周

宗俊監生鍾道高曾長筆李大興李大林劉存萬賴洪林
劉承榜湯日春湯道悅湯日豐湯家寶劉邦金鍾道章鍾
觀有劉大炤劉家儔王定詔劉冠興楊會忠楊愛侶楊國
利楊愛有劉世棻楊國忠鍾道葵劉家煌黃有元劉邦焜
劉多煥劉立琦楊泰煊劉大濱楊光明楊其清鍾周祥鍾
會周鍾運松鍾運珠鍾會志劉立葵許運梓鍾道晉劉仁
福湯家坤湯家宜劉家全陳書容周宗駒李大書李老孫
楊其俊楊元榮楊元福崔茂紅黃紹球盧科禎楊元松盧
科禮湯日標劉景發劉景有劉景魁劉景宿劉承遠劉承
蘭鍾功學鍾德柱鍾德桃鍾德椿鍾德榜鍾懋芳鍾懋芬

鍾德茂鍾德喬鍾功廷鍾懋家楊元崇王安興鍾觀萱鍾
先泮劉名華劉世昭劉名寶劉名來劉世煬劉聲柏蕭後
昌蕭後晃蕭蘭珠鄧廷桂鄧東子賴顯桂張應運賴應洪
劉名儒劉名灿劉名桃劉名蓁鄒有信鄒有愛劉名愛胡
志錦鍾觀旭楊其學楊元俗楊會祐范昌混范積榮范文
英范昌位范昌彬曾毓富邱昌訓李清榮李老五許昌鳳
許隆茂客胡志械鍾懋謙鍾功儔鍾懋傳鍾懋兢鍾德梯
鍾德勝鍾功洪林慶怡林福生張垂珠楊國明鍾會志鍾
會謨楊元村劉文滄劉文洲賴光文楊于遠楊其誨楊其
純楊元高湯道閻蔡景春楊于椿楊于萬楊其玉鍾懋釗

鍾德芳謝茂森謝本蒸楊光晴楊光明胡國萬胡國其胡
國悅胡國輝胡昌孝胡昌節胡昌禮胡國琮胡運洋胡運
球胡運材胡運貫胡運洪監生胡運源監生楊會琚監生
鍾盛東監生楊會裾監生楊會衿監生鍾章緯郭雲澹六
品軍功李廷材李發椿李發泰李昌祉李世唐李世安李
榮發李昌漢李定金李定義李二陀李榮明劉本晃劉本
昊劉德寵劉德康劉本發劉德沼劉宗美劉本金劉本權
劉本愷劉本豈劉惠劉本萃劉本蒼劉德梓劉宗非劉本
湘劉德霖劉本非劉本昇劉金輝劉邦焜楊家儀賴光春
賴光玉賴昌昂賴光瓊溫啓祥溫世英溫世梅溫世宗溫

瑞金縣志

卷七

義勇附

十四

世蔚溫泰材溫泰瑞溫泰祥溫世璋溫世宸溫世宿溫世
春賴方柱賴方府賴千需賴初賴千繩賴千萬賴千瑩賴
千驤賴千絲賴載瑄賴載琮賴載源賴載綿鍾運盛鍾遙
笏李其新鍾章騶鍾遙恩蔡受榮鍾遙謨鍾國炬劉京厝
劉京唐劉劉時渡劉時椿鍾章玉鍾遙俊鍾文珺鍾遙浩
鍾章金鍾章毅楊會廷楊元炳楊元榜鍾章亮魏大海鍾
遙惠鍾遙惠鍾章乾鍾遙利鍾遙汗鍾國昌廖芳連鍾遙
秀張永烈謝榮炳陳德發邱泰照鄒家儀鍾遙茗鍾章述
鍾遙辛鍾觀炳鍾國仁鍾運洪鍾章臚鍾章騰劉于儒王
興惠王興宗王盛標王盛明王民漂鄒振儒胡運悅鍾國

興鍾章是劉忠煜謝柏理郭宗廻郭宗建蕭廢颺鄒昌羅
永盛鍾仁竟劉家信劉家仍陳德斌王禮武沈耀柯王禮
華林度賢段文蘭賴德禮鄒家寅陳德操陳德萃陳德律
宋允潏宋先法宋禮華宋承依宋承還宋詩緹鍾道仙鍾
盛棟鍾盛材鍾道琇鍾道瑜鍾道清鍾道立鍾道琛鍾觀
福鍾觀惠鍾觀溶鍾觀昌鍾觀秉陳章千何兆銀范宗晃
觀洪鍾新衢李昌金李傳萌張祥雲謝天明黃元海雷正
范宗晃范發李昌禎部高積歐陽尙華范名璜謝道芹范
宗昂謝國近劉文浪劉鳳山楊元洲楊元紹袁高萬袁高
紅楊會財袁會林袁明亭袁明波楊會庚楊會瑤楊會春

瑞金縣志

卷七

義勇附

十五

楊家信楊會琳楊昇楊家駿楊家海楊家有袁益騰袁高
義袁高禎袁述周袁明康袁明故袁益星袁高珂袁明江
袁明何袁明懷袁高瑞袁高理袁高招袁明榮袁明福袁
明祿袁明英袁明舉袁高翠袁高密袁高件袁蠻牯袁艾
子袁高達袁益朝袁益祖袁益祠袁賤牯袁高信袁明伊
袁明福袁明壽袁益昌袁益恬袁人耕袁高繩袁益洪袁
益會袁高蘭袁高魁邱連發謝賢莊范亮忠楊允忠楊允
油楊允禘楊吉瑤楊雲士楊吉仟楊會亮楊元發黃光球
黃景桃黃景秀黃運珩劉大湖劉克榜黃運良黃光標黃
景榮黃景沅黃運僻黃景源黃景浪黃景求朱國依朱昌

浩朱禮遙朱宗貴洛忠貴朱試德朱昌富鍾盛可謝茂橋
王明智謝茂標劉安萃曾瑞潭曾科福曾甲勲曾科遜劉
冠恒劉超羣朱昌沐邱榮標袁名龍袁觀造袁上文袁永
美袁裕發袁裕宰袁裕官袁觀湖詹萬宗林應佳鍾象慶
鄧智龍袁裕騰鄒家紅宋先發宋先鄰段道觀宋承琫宋
承環宋承於王禮來陳德翠沈耀河賴光標賴海珍賴顯
榮賴光淇賴雙壽賴光梯賴光瑞賴周芳賴澤波賴永洪
賴光佳賴長有賴騰高賴澤文賴金和賴卉馨曾宣盛曾
宣富曾承理曾承苞曾成陶曾成標曾慶作曾慶求賴千
綿賴載珍賴載循賴千盪溫世秀李發雲李世諧李世求

李世慕賴千湘曾德仁李發焯曾同金曾尙逢賴千榮李
榮清曾義眼梁志訓梁志祈梁學緯梁學琛梁志沛梁立
貫梁學祥梁志祐梁志湖梁學祿梁士潭梁志清梁志佩
梁志林梁志藹梁立銓梁志荷梁志珍梁學蘊梁志桂梁
學璿梁學遠梁貴珙梁學華梁立綸梁志居梁志河梁立
鈇梁立超梁學桂梁立晨梁志棋梁志栲梁學淙梁學珍
梁學璋梁志扃梁學喜梁學循梁志榜梁志胡劉誠儷毛
孫庭毛孫濤毛孫芳毛孫漢汪洪泰宋名懷宋文秀王民
謂王民誠朱學沂王民萬朱學漳王安萃王民馨陳榮來
朱世瑄朱世珣朱世琚朱世璣朱世瓊詹幃與毛世祐毛

世源毛茂金毛孫漳毛孫注毛文明毛文馨趙登彩朱世
瑀鍾盛琮鍾道柄鍾道模鍾道梧鍾道珂鍾盛琴鍾道漢
鍾道波彭龍瑞俞有萊楊元官鄧家福劉昭棋毛民興鍾
壽官謝永迪張學積王自柏王自誠丁振李劉均聰鄒有
珍鄒有福鄒日榮鄒明宥鄒勝璪鄒勝楷鄒有性夏祥霓
夏祥霖劉遠廂劉遠騫劉亦棟劉振瑞劉亦湯劉亦模劉
松翠劉亦芊劉遠旺劉亦修劉家億劉家祥劉名梯劉名
莊鄒日棟鄒有揆鄒繼遠鄒有思左德運夏祥霏夏祥霈
曾宣茂鄒有慰鄒有桃鄒有亭鄒道擴鄒勝萱鍾亦偉鍾
亦回謝先即謝都賢胡世韶張耕元曾玉山鍾章陶鍾章

高李期星鍾泰正鍾章助鍾章述鍾章做鍾遙萃鍾遙溪
鍾章標廖永蘭鍾國興陳德蘭劉時生劉京發劉宗愷劉
時度劉本昇羅永科黃廷輔楊家游楊會著楊元愛楊會
明黃其全黃昆才黃昆還楊元珩黃昆延黃昆芳楊本遙
咸豐八年殉難紳民劉亦梯鍾章書鍾章茂鍾國綱鍾遙廣
劉烏子劉時君鍾章有鍾遙仁范振朱鍾遙芳鍾遙志鍾
遙街鍾章朝鍾名秀劉萬油劉京莊劉時文劉時仁鍾國
芳鍾國分鍾運儀鍾國春鍾遙擇王清棟鍾文台鍾章全
鍾遙苔劉時連吳勝材吳勝苑吳連和吳勝定吳連秀吳
勝潛吳勝有吳明秀吳勝鹽李傳榮鄒仁翔鄒用菖謝本

源劉世昭楊會塘賴芳仁賴曦亭許武琴周繼修周仁修
陳仁賓賴方慶賴方初賴道疇賴席珍賴得璠賴方佺賴
方儲賴方富賴方實賴方家賴千懷賴千愉賴千忻賴細
徠賴田狗賴老滿賴招弟子賴來弟子賴秀弟子賴方數
賴千榮賴載福賴載禮賴載輝賴有發子賴發弟子賴千
泮賴德恕賴千注賴小孩子賴方洪賴方經賴有子賴千
珠賴閩發賴新發賴賤發賴千淞賴千紘賴千淑賴大姑
賴千滔賴方纒賴秀姑賴載實賴以柳賴大和尚賴以柵
賴方鞅賴千揮賴方慶賴女孫賴德蓉賴千榜賴千棠賴
方忠賴早發賴灶子賴方豪賴秤發賴烏姑賴方浩賴千

通賴方彬賴方來賴老妹賴早發賴會姑賴秤發賴烏牯
賴流民賴生保賴滿姑賴有弟賴有姑賴載佳賴閩發賴
秋發賴方崙賴方徽賴千庸賴冬發賴千容賴千客賴三
官賴方搖賴千浪賴滿姑賴長姑賴方揚賴帶發賴方揆
千源賴發壽賴千洞賴千渥賴細仗賴方探賴閩仗賴德
侖賴方操賴德珉賴千照賴載李賴薯哥賴細面賴大隻
牯賴千明賴流民婁賴載椿賴載桃賴方仁賴方健賴方
佩賴千華賴蓮香賴連陀賴連秀賴千煥賴方銀賴細女
子賴方泗賴方佳賴來狗賴來鉢頭賴方泗賴長發賴方
興賴方沐賴方興賴冬發賴千鍾賴千金賴方學賴觀保

賴方芹賴德誥賴方珍賴千科賴千元賴方法賴方渡賴
方泮賴千宙賴細女子賴千宗賴千寶賴方極賴千字賴
千宿賴千安賴大發賴細發賴方換賴千字賴婢婁賴小
孩賴方福賴千宜賴三陀賴烏子賴閩細賴方拔賴大羅
賴細羅賴德遵賴千揚賴方珠賴年發賴方仁賴方禧賴
狗子賴貴發賴冬發賴方祥賴方仁劉名埶劉名彰劉邦
偉劉芳瓊劉世芸詹烈通楊維幹謝殊文楊于衿鄧家秦
鄧邦挺謝光芳鄧良傑鄧明興鄧家雁鄧家洪鄧邦機鄧
邦珠鄧邦瑄鄧邦梓鄧邦瓚鄧邦清鄧邦挺鄧邦敏鄧邦
威鄧邦通鄧邦情鄧邦材鄧邦法鄧邦苑鄧邦杞鄧邦槐

瑞金縣志

卷七 義勇附

十九

鄧邦絲鄧邦晨鄧邦旦鄧邦舍鄧邦修鄧邦佩鄧邦有鄧
邦橋鄧明秋鄧明浪鄧明玳鄧明嵩鄧明珠鄧明瑄鄧明
瑞鄧明溼鄧明沼鄧明汀鄧明化鄧良桃鄧光芹李昌祿
咸豐十年殉難紳民謝綱萬楊元壘楊道蘅

同治三年殉難紳民詹烈芊詹俊沐詹武周詹俊萬詹俊信
詹秤保詹武來鍾觀明楊會全胡昌發胡國芳胡昌友胡
國柱楊會濤楊會洪楊會桂楊會楷楊家鳳楊會昱楊會
暹楊家棋楊會昕廖賤子曹名順曹忠高黃昆遠黃土生
黃昆達黃昆富鍾道沂鍾道峯黃其珠鍾道蘭麻紹作曾
國柱郭永盛郭高松廖光洲廖賤發賴光發劉成銘賴光

通賴光文鍾盛義楊會普楊會星楊啞子廖人根廖榮運
楊會得楊會浥楊閏女楊元招鍾左毛歐陽于萬汪九香
觀人女廖雲香鍾秤子麻秤生楊步階郭顯烈劉秀紕朱
宋樑朱宗權楊會騰鍾光輝鍾光任劉大桃唐威秀楊會
璿劉秀華劉流民楊元錫陳明才劉德才楊家皇郭高富
曾啞子劉大樺賴光瑤曾尙林林世辰賴輝興鄧延祿楊
元紱楊元益胡國貴劉加桂鄭盛貴楊會欲吳祥輝鄭昌
余楊元宏楊會昌曾昌桃曾上富曾昌玉曾昌純曾上學
曾衍海曾威巍鍾道潤鍾盛益李月信李月串李月恆李
立端李大蘭巫振源巫門生胡運連張科鳳麻紹位鍾觀

瑞金縣志

卷七 義勇附

二十

清呂家華楊世達鍾會相李永道洪朝富洪朝華林世祺
林世祐曹忠瑩曾珍偶曾珍倣李昌信李昌財李開遠楊
會谷楊桂林楊灶生楊于春楊于洪劉京桂廖芳球賴遠
春廖連女鍾流民楊秤女賴輝海楊泰沐林世榮林世清
歐陽尙騰歐陽于經歐陽于靈歐陽尙朋歐陽翻毛歐陽
于旭歐陽光海歐陽汝蘭歐陽于珍歐陽于珍歐陽于馴
歐陽于騏歐陽光仁歐陽于河歐陽尙純歐陽于福歐陽
于法歐陽于珠歐陽于隆歐陽尙月歐陽香連歐陽慈生
歐陽檢法歐陽年法歐陽秤法歐陽壽子歐陽春秀歐陽
藻生楊貴美子楊陳壽保楊逃金楊生期楊冬貴胡肉鮓

楊賤連楊餓牯楊秤女吳秤佗楊老婦娘鄭叫化鄭割禾
子詹法香詹流民婆詹遙州曾帶發楊流民楊冬生鍾觀
人保楊會昉楊夏發子賴賤子曾赤牯劉檢子賴來女子
賴土壽子劉閏女子鍾玉秀子鍾玉浩子楊秤四子李開
貴李昌延楊泰鑣詹俊柳

以上紳民皆奉 部淮卹賞入祀省城昭忠祠

孝友

書云孝乎惟孝友于兄弟施于有政宣尼引以對或人曰是亦爲政奚其爲爲政旨哉言乎是固合內聖外王而一之者也慨自借耨耨而德色取箕帚而詬誶斗米尺布君子傷之風俗之偷係人心卽以係世道所關不綦重哉伏讀

聖諭廣訓

首曰敦孝弟以重人倫蓋深探乎其本也瑞自有明迄今修門內之行者頗不乏人吹華黍而亡辭叶墳廡以如貫和氣之祥徵於有象是亦樂得而表彰之以爲父子兄弟之法歟

瑞金縣志

卷七

孝友

二十二

明

楊存義父仕忠卽繼伯父景華爲邑人籲免虛糧者存義天性孝友自少力田養親友愛諸弟終身依依如孺子父卒時年六十矣日痛哭嘔血幾死人或引禮勸諭卒不自禁後析父遺產爲四均授四弟已獨不取人問之曰諸弟弱不能治生吾力尙可以自食遂率妻子傭田力作勤儉寸積創置田九千五百畝而四弟家皆中落復將已產析爲八四子并四弟各授千畝以千五百畝爲通族贍祭贍學贍差諸費蓋倣范文正公義田之遺意也卒年八十九至今子姓繁衍簪纓不絕

朱鑑字廷佐推官璣之子母郭氏邁疾鑑剖股肉置藥中飲之而愈父母俱以壽終鑑廬墓三年

謝仕蘭早孤事母孝家養一牛寄於武陽嶼田居偶載谷往府糶賣舟至雩都聞母病卽棄舟馳歸及武陽嶼日已晡矣一虎咆哮而來驚走倉卒中一牛奔至與虎力鬪而死仕蘭得免旦視之則前寄養之牛也嗟乎牛誠義矣仕蘭之孝此亦有徵哉

贛州府志

鍾鳳字儀霄二親早逝鳳思慕終身每忌日必齋戒祭奠涕泣不食兄弟析居多推讓其後二兄所居燬于火鳳居獨全人以爲孝友之報

瑞金縣志

卷七

孝友

二十三

劉贊岳字時嵩宏治己丑流賊破城隨父出逃賊執其父欲殺之岳時年十一以身蔽父哭曰甯殺我無殺我父賊不許索財以贖岳奔還則家已掠盡不知母逃何地復號奔往視其父中途偶拾金簪以餽賊賊少之岳哀告賊憐而釋之後岳之卒也諸子並廬其墓以孝世其家嘉靖八年知縣林椿申詳旌表

廖玉美字純所性至孝敬事二親竭誠盡志父母病求醫調治藥必親嘗每焚香籲天願減己算以益親年經旬未痊父母遂同日卒玉美痛極昏暈仆地髣髴見一道人語以人肉和某藥飲之親命可續也醒視二親心坎俱微溫遂

割股肉和藥以進俄傾漸甦延至數年之後二親始歿玉
美廬于墓側悲哀孺慕終三年如一日知縣劉翼旌其閭
曰孝子之門至今土屋頽垣尙存過其地者咸指曰此廖
孝子廬墓處也

賴德經週歲而孤事母李氏盡孝母歿殯在堂洪水驟至德
經取木爲桴移母柩于上縛己身於柩邊願與同沒水退
竟得保全隆慶六年知縣呂若愚書純孝以旌其門

鄧必和存心質直素行端恪母年九十色養蒸蒸常如孺子
兄八十二必和事之彌謹寒煖饑飽躬親調攝人皆比之
司馬家云巡按陳大加獎異

瑞金縣志

卷七

孝友

二十四

楊勝掠賦性樸愿居家孝友父母篤老勝掠已皓首依依如
孺子兄弟析產已取其瘠而以腴者畀弟里人上其事巡
按某特褒嘉之

楊永志字宗伊邑庠生父魯篤行好學有古風永志事父盡
孝父逝事母尤謹母病藥必親嘗母喪哀毀骨立幾至喪
明

劉四端邑庠生折節好修父歿奉庶母尤謹有幼弟撫之成
立妻死不娶教子有方立法以贍丁差督河隄而功早竣
知縣潘舜歷廉得其實請于按院獎之

朱明瑞年十五時父榮盛無因致大獄明瑞赴闕搥登聞鼓

鳴冤竟脫父阨父歿事繼母以孝聞撫幼弟成立後皆早世又撫三姪如己子已所有產呼子與姪均分捐三百金甃邑東門河堤募醫藥施棺木急人困危利賴無算子黻樂善好施兄弟析產皆取惡讓美以資授省祭母年九十餘家居終養不樂仕進黻猶有父風另有傳

李茂陽早歲父母俱亡撫其弟備嘗辛苦及壯家漸饒弟疾廢愛養數十載爲之完配生男女又爲之畢婚嫁年老乃以己田百畝及園居授焉好施與凡建橋梁道路寺觀及人有凍餒死喪無措者悉賴之病篤時士夫以至傭保無不接踵來視疾年七十三卒里黨咸稱爲李善人云

瑞金縣志

卷七 孝友

二十五

湯撫知州拱之弟性介直無私幼喪父其母哭泣喪明撫日夜祈天籲以身代閔三載母目復明人咸異之率子弟課農桑勤學業未嘗以一字入訟牒又架橋于潭屋林屋二渡以利往來改建學宮督修勤勞

劉建甯邑庠生居父母喪同弟生員建案廬墓六載痛哭失明踰月復光府院給扁旌之

鍾學堯幼有至性事父母能色養皓首而慈母在堂孝養尤摯撫二弟課之有成已創之業悉與弟均分他如贍祭田蠲賑粟年已八十好善無倦晚生三子

陳濟八性至孝而外貌樸實與物無忤母湯氏年六十一病

甚濟八衣不解帶求醫療治罔效潛于夜半顛天割股和藥母服之頓瘥

楊春靈字子威父卒喪葬如禮事繼母庶母及撫諸弟孝謹和順迪子孫以義方族衆有爭折之卽服歲饑有稱貸者不責其償凡改建儒學闢城門修泮池增置雲龍橋經營調度悉出其手

楊永鑾生五歲而父母俱亡撫養于祖克盡孝敬祖歿封其巾履常泣日思父不見見吾祖思祖不見見其中履卽祖也何忍忘之劉公孝則爲志其墓

鍾秘事母盡孝母終號泣日夜不絕聲遇旱常出粟以賑貧

瑞金縣志

卷七

孝友

二十六

乏其慷慨又如此

楊勝梁事父母以孝稱學使沈獎之云孝友人無間言忠信衆皆推服

劉匡隆幼失怙與兄同居事之如父力田教子輕財重義子贊勲任肇慶通判

楊永昇字宗賢以任之父弱冠籍諸生爲人躬行孝弟以之自勵亦以之訓子以任登賢書以其年少護之上公車道經齊魯凡古聖賢遺蹟常興景仰之思徘徊瞻眺竟日始去歸家遂卒囑其子曰兒能爲忠臣卽是孝子餘無所及生平慷慨好義舉鄉里有稱貸者貧不能償輒焚其券又

嘗捐金掩骼事具載艾東鄉所作傳中

國朝

鍾然椿慷慨好義歲戊子父避寇山砦死于賊椿慟欲絕乃出家財糾壯士殲賊以復讐扶植二弟婚教不遺餘力乃於周恤親族煦育孤窮至老彌篤邑令舉之賓筵

謝命爵字仕俊性至孝識畧過人少年父爲人所殺命爵聞難卽欲出身格鬪族人以衆寡不敵止之泣血拊心設計竟致讐人於法當饑饉人食糠粃走數十里外負米供母容吉州夜夢母告以病遂兼程歸得侍湯藥三日竟送母終子聘孫重揚皆領鄉薦

瑞金縣志

卷七 孝友

二十七

鄧有馨性至孝幼讀書遭亂家貧乃負販以養親父歿有馨復理舊業補博士弟子授徒以供母甘旨母性嚴急有馨委宛承順卒得其歡心母卒後遂謝生徒爲方外之遊後不知所終

鍾斗鳴邑諸生性至孝母歿廬墓三年服闋父命之始歸所作述哀詩數十首悲痛慘裂人不忍讀

朱天宿字公耀邑諸生順治丙戌舉家避亂陳石砦砦破叔父弟妹皆死于兵兄弟竄亡他邑天宿崎嶇險難葬死扶傷備嘗辛苦亂平訪求從弟二人歸先是叔父所有田產經亂荒蕪天宿招佃墾熟悉以還兩弟毫不自私倡建祠

堂并捐田二十畝以贍族中里役二子愈齡歲貢鶴齡庠生卒年八十五

危應騏字閑長邑諸生事親克孝親歿哀毀逾禮三年不入內友愛胞弟應騶推讓財產中外無間里黨以緩急告者畧無吝色貧不能償卽焚其券雖屢負屢貸亦無厭怠

劉居中邑庠生性樸魯讀書刻苦同堂生多敬憚之與兄居思相友愛順治丙戌大亂未平山寇竊發兄弟俱走避山砦忽賊至執其兄欲殺之居中叩頭哀告曰吾兄無子乞以身代賊義之遂釋居思射居中中腦血如注昏絕兄拔鏃裂衣裹之尋蘇遠近聞者咸歎異方之孔北海兄弟云

瑞金縣志

卷七 孝友

二十六

朱永京字荆畏天性至孝服勞奉養未嘗少懈母病三月永京衣不解帶湯藥不委他手母卒哀毀過禮遂鬱鬱成疾而卒年三十三

朱世榮賦質恂謹素履不妄弱冠喪母卽哀慟盡禮事父及繼母克孝父年七十患癰世榮侍疾數十日不解帶顙天請以身代旣而果愈八十乃卒世榮亦悲痛骨立尤篤友愛與弟同爨數十年怡怡不改飲食教誨如所生

劉次也讀書負大志幼以孝稱父廷弼性剛直素不俯仰人順治初邑亂未弭仇家嗾衆殺之次也聞變走趨父側枕尸而哭罵不絕口衆以刃脅之罵益厲遂俱遇害時年二

十七

胡炳兄弟四人相友愛父歿不忍分居炳爲綜理一切家務身任其勞訓課諸弟皆有成立生平尤多義舉未嘗一言居功人咸稱其長者

余宜子七歲從父母避閩寇匿山谷中官兵搜山父死焉宜子爲贛標將王世英所掠愛之以爲子教習騎射爲娶婦不離左右者十一年宜子偵知其母猶在南豐潛蓄去志而世英方具貲遣宜子鬻販甯都舟覆泗水而逃世英以爲葬魚腹矣慟之甚會以事北歸宜子往南豐訪其母則已嫁與人嗜酒不事生產母幾凍宜子盡其橐界與人不

瑞金縣志

卷七 孝友

二十九

數月輒盡乃傭以奉母積十二年母病侍藥餌衣不解帶比歿與人棄勿視殮葬皆出自宜子哀毀過情南昌彭士望爲之立傳

贛州府志

楊方申字聿震國學生弱冠喪父弟方和方仁俱幼撫之如子弟亦事之如父時家計不甚饒裕方申綜任家事資二弟讀書惟恐少分其志旣皆成立爲名諸生而季忽天逝仲哭之哀得疾越五年亦卒老母在堂諸孤纍纍皆惟方申一人是賴方申左支右撐備極勞瘁遂四倍其先人之產諸孤長悉均分之不一毫私厚其子諸孤亦克率其教一門之中濟濟雍雍孝友無間年八十一終

楊方和字聿韻邑諸生幼孤奉母孝事兄方申如父與弟方仁友愛既受室猶不忍入內寢家事一總於長兄偕弟肆力于學學益進文名日起世人爭物色之而意態儻然未嘗有矜容傲色與人交誠意懇摯周人之急如恐不及年未三十里中子弟奉之如先生長者然季弟死慟絕嘔血數升遂成痼疾越五年亦死年三十六妻趙氏守節撫四子皆成立于佩歲貢生于倣邑庠生于位進士官知縣于仕早歿

楊枝喻字朗士邑諸生四歲而孤母鍾氏矢志撫之七歲祖母歿能哀且毀卽有孝童之稱比長事母孝益篤雍正元

瑞金縣志

卷七 孝友

三十

年恭遇

覃恩以母節列狀上于官疏

聞賜金建坊母歿哀毀幾殆營葬大嶂山距家近十里自山麓至葬所高二千七百步每日賣羹飯往哭奠風雨寒暑不輟或勸以築舍墓次則謝曰是廬墓也吾敢居此名哉墓前松甘露連降其子以告卽訶止不得言既終喪遂卒年五十有五臨川李閣學紱志其墓

楊兆渭字聞過歲貢任廣信府學訓導爲人悃悞無華尤善養親兄弟四人旣析居凡一切滌灑甘滑之供獨以身任每食必親奉之務極精腴父晚年喜靜建高樓潔几明窗

香爐茗椀以適其志日迎父舊交數人與遊歲癸巳當之
官念父老不忍遠離父強之乃行蒞任六年遂乞養歸歸
數年父方歿自是遂不復起卒年七十六兆渭長兄兆滋
字聞嘉國學生亦有孝行與諸弟友愛無間苦學而不售
乃肆力于詩歌築別室于恬村名耕樂園日課督子姪以
通經學古爲事族人子弟有殊尤者輒極口獎借多方以
玉其成其從子枝遠家貧好學兆滋每傾助教導之其後
文明日起蓋得滋之力爲多云著有耕樂園詩集

鍾秉昶字日永歲貢生幼事父母卽以孝稱母歿哀毀幾不
欲生事繼母劉謹母性嚴毅且偏愛其所生二子父死後
以非禮使秉昶昶曲意順奉未嘗幾微見于顏面友愛二
弟從無間言久之母亦感悟待之如已出年四十無子以
母命置一妾每禱于祖祠自陳已過念母老欲得一子以
慰母心已卽殞滅無恨逮母歿時昶年已六十猶哀號如
孺子自棺槨絞衾窆窆之事無不身親雍正二年

詔舉孝弟篤行之士有司欲舉昶應

詔昶匍匐哀懇再三求寢其事乃止年七十八卒

劉琛字瑞山康熙戊子舉人考授內閣中書自高曾以下皆
積學砥行爲名諸生琛胚胎前光所得尤邃性至孝某年
以試事居郡邸夜夢見其父覺而悸卽馳歸父果病得侍

湯藥數月歲丙戌母死未葬洪水暴至棺漂流巨浸中琛
挈木板一片赴救墮深溝中良久若有翼之而起者已引
柩傅樹呼天號泣大雨徹夜守之不忍去卒得無恙後琛
登賢書子若孫彬彬繼起人以爲孝行之報云著有文集
一卷格言二冊弟璋另有傳子侄邑增生次份太學生孫
暉歲貢

楊以佺字若魯年二十補邑庠生食廩餼性至孝家貧授徒
資束修以爲洗腆之供後從遊日泉館穀稍豐諸父昆弟
亦時仰給焉季父愧升無子以佺事之尤篤愧升嘗語人
曰吾姪真猶子也季弟以辨任俠自喜待之尤厚嘗不戒

瑞金縣志

卷七

孝友

三十二

於火延燒以佺爨舍以佺爲完其室而後及已室雍正八
年學使傅王雲以孝友端方舉優咨部以親老辭乾隆四
年應歲薦年六十四卒門人楊方立私諡曰孝正子兆諱

邑廩生

賴聖鏞字絢文性肫篤事父母以孝稱兄聖銓聖銳皆早世
聖鏞撫其遺孤恩勤備至忠信夙爲族黨推重是非曲直
多質成焉饑寒不能自振者授以貲而代爲籌畫人多賴
之于梯雲廬陵臨川訓導次定俸貢生皆以孝友傳

楊昌禧字瑞儔邑廩生沈靜寡默有至性母死三年不飲酒
不茹葷不蚤鬻寢苦枕塊于禮無不及焉服闋未幾遂卒

年二十七

賴時善字淑士歲貢官進賢縣訓導父日生家累萬金田廬婢僕之盛甲于一邑時善生而敦樸無袨袴氣習父卒家事一秉于長兄事之如父母將終遺命析產時善獨讓善受惡謂兄支持門戶數十年交遊日廣費用恐不能給吾衣食才足可矣何多爲旣而兄家中落時善晨夕奉養殷勤周到無少怠其在進賢亦以敦行孝友勸勉諸生諸生服其教多所成就旣告歸杜門謝客惟課篤子孫讀書積善以承先德時長兄年逾八十時善事之彌謹臨終猶以善事伯父屬其子若孫其友恭至老不衰如此

瑞金縣志

卷七

孝友

三十三

楊兆林字介玉有至性父性嚴兆林委曲承順得其歡心父歿事母尤謹不忍頃刻違離膝下嘗服賈暫出念及母輒汪然淚下遂一晝夜走二百餘里歸視其母人怪其速兆林曰數日不見母寸心如割雖利獲三倍不願也遂棄商力農樵採自給每食必具甘旨母憫其勞則多方寬慰曰兒無苦也歷數十年如一日母死勺水不入口者數日治喪盡禮人有稱其孝者流涕曰吾負吾親多矣敢云孝乎其不讀書而能知大義如此

羅萬忠字汝誨生有至性當明季之亂盜賊蜂起粵寇闖王總劫掠密村萬忠父彬吾爲賊所執萬忠哭詣賊營見父

抱持痛哭賊感其誠許以金贖先是萬忠有金數十兩密
瘞石人坑急往發之已爲他人所取復往賊營痛言其故
願以身代父死賊義之因得釋歸歸而四壁蕭然負米養
親承順意旨終身無間晚年稍置田產卽爲高曾祖蒸嘗
公產知縣霍禹謨舉充鄉飲大賓邑人楊兆嶠爲作傳以
傳其事

謝上詔字丹宣雍正二年歲貢自幼出爲伯父後事母至孝
母患瘋疾肌骨痛楚兼氣逆痰喘不已上詔百計求醫多
方調護早夜拊摩扶持未嘗片刻少離如是者十年母病
得痊後以壽終葬本鄉半里許上詔築室墳側晨夕拜哭

瑞金縣志

卷七

孝友

三十四

食飲供奉如生時俄有鹿見于山間每上詔哭時輒馴伏
于旁人曰此孝感也上詔曰此地故有鹿余何能焉先上
詔之祖生二子上詔出繼伯父祖欲析產爲二上詔請于
祖願與本生兄弟五人均分其善讓又如此云年七十五
卒子道峻臨江府學訓導道巘拔貢生道嶠太學生鄉飲
正賓

劉光祖字觀上雍正己酉歲貢昆弟四人光祖以父命出爲
叔父後遺產近千畝光祖悉與弟均分性剛方正直嘗面
折人過邑中公事嘗身任之毫不涉私人亦不敢以私干
之雍正三年學使沈舉報優行合郡數十人人謂惟光祖

能不愧其名云

胡璠字渭師教諭朝極季于性至孝少隨父任溫清外奮志詩書攻苦不輟父母以其體素羸多病稍戒止之乃陰以藥餌自輔不令人知恐貽親憂也弱冠補諸生文名日起而居德彌謙父卒水漿不入口者三日泣血骨立人不忍視母再三慰諭始勉強節哀後居母喪亦如之事諸兄恂恂善讓一庭之內藹如也好學之志老而彌篤訓課子弟尤嚴卒後四子皆有聞于時以季子泰貴贈工部主事節錄

何編修其睿所作家傳

賴定轍字小蘇大學生生甫三日父卒嫡母劉生母林同志

瑞金縣志

卷七 孝友

三十五

撫育定轍稍長知父早世輒哀號痛楚母再三慰諭之方止遂終其身美食華服一切屏棄事二母篤孝某年以事至南昌因夢感趣歸至家嫡母已歿自猶視定轍撫之乃瞑遂閉戶家居不忍一日少離生母膝下母性好施予每先意承志以成其美嘗創建白華亭于南岡并重修普同塔以藏遺骨約費百六十餘金鄉里有死不能葬者舉以棺歲費每不下百餘金遇歉歲聯羣從兄弟計日各出穀減價平糶以惠族隣至價賤而止人有美之者曰此吾母志也余何有焉死之日鄉隣哭之多失聲私謚曰孝惠著其實也

謝開遇逢伯之子也爲人愿樸素不讀書而性孝友愛其同
母弟開迎繼母劉氏生開章開霞章出繼霞方數歲父卒
家奇貧開遇備力自給爲弟開迎娶妻迎夫婦俱天卒開
遇上事繼母下撫弱弟備極敬愛今母年逾七十開霞亦
三十餘矣開遇猶孑然一身白髮皤然日爲人運水得錢
卽市甘旨以奉母

謝松暄字燦洲湖口訓導重捷長孫生二歲而孤稍長每以
不見父泣涕不止事母賴氏備極孝養家貧欲請

旌而力不能常用自疚岳父司訓廣昌松暄往省忽聞母病兼

程遄返日夜調治湯藥衣不解帶四十餘日母病愈松暄

瑞金縣志

卷七 孝友

三十六

以過勞得咯血疾年未四十而歿

賴德謨字誠齋明嘉靖間人幼喪父事母克孝母死合父葬
廬墓六年始歸

李廷產字奇生明末避亂陳石寨賊執其伯父司鼎索贖廷
產自往賊營易伯父歸伯父去後乃乘間投崖而死無後
族人哀之爲立祀焉

鍾兆先字景遐幼失怙獨與母居家奇貧兆先竭手足力以
養其母甘旨不缺于供母性嚴每督過兆先必長跪請杖
母怒未解雖竟日不敢起適遇事母命之出則暫出事畢
仍跪如初母感之歡愛日摯至二十餘謀娶婦母所擇者

長兆先十餘歲人謂是已過生育之年恐不宜子兆先曰
吾母所愛甚也遂娶之未幾連舉二子人以爲孝感所致
云

鄒如玉字念梅事親孝先意承志弱冠遭母喪哀毀繼喪父
殯葬皆如禮後事繼母尤謹嘗貿易楚地聞母病卽棄貨
歸親奉湯藥弗稍懈母愈後因念母老且多疾自是終母
之世不復外出 明人

鄒應兆幼失怙零丁孤苦備歷諸艱其母勤儉自矢兆恪遵
母訓菽水承歡愛敬兼至所創產業與子姪均分無自私
之心鄉隣敬服卒年七十 明人

瑞金縣志

卷七 孝友

三十七

謝近溪幼孤事母盡孝聞寇警負母逃遇賊欲刃之溪伏地
乞曰可殺我無殺我母賊感而釋之同里有陷于賊者近
溪偕往以求得全至行感人如是

謝朝陞邑庠生家貧親老諸弟復幼弱舌耕以養父母歿哀
毀盡禮水漿不入口者三日三年不見齒聞者感嘆子綱
韶邑廩生

管以璟字廷秩天性孝友父病親嘗湯藥廢寢數月每日焚
香籲天願減己算以增父母壽父病果愈迨後父母歿廬

墓三年

鄒學選父母早喪撫育幼弟教養婚配以身任之所置田產

悉爲分授鄉黨宗族咸欽慕焉卒年八十一

郭孔振事母盡孝母死哀毀骨立廬墓三年邑令某以孝子旌之

鄒明敷幼隨父讀書恪遵庭訓奉養必躬親喪葬盡禮廬墓三年

陳習禮字綏黎有至性家貧事父能得其歡心父病侍疾晝夜憂泣及歿廬墓三年以哀毀傷目後數年復明人謂孝感所致云

胡嵩字華崑敦倫常重大義父母兄弟間以老友稱父喜樂育人材嵩體父志捐田畝以資合邑書院膏火長兄乏嗣

瑞金縣志

卷七 孝友

三十六

以伯子繼之堂弟無後以季子繼之仲兄凌雲早卒嵩謀捐其兄所創房屋爲合族祖祠族人卽以凌雲配祀毫不居功此又不置之思所推及者

賴霽雲字輝宇邑庠生家貧筆耕以養父母早歲母見背事父及繼母以孝聞父常患病呻吟牀褥者數年雲每日祈禱願將身代視厠脛調藥粥寒暑無間病亦尋愈更友愛繼母弟二人析箸後衣食不給恆將館穀分助之父壽今逾大耋繼母亦逾古稀一堂稱具慶焉

陳彬儒孝出性成年二十二丁母憂哀毀骨立事繼母益謹婉容愉色人無間言年六十餘必同父寢父衰艱于行操

杖扶持孝事不倦

楊會文字子章幼家貧父洵暢中年病瘵子章竭蹶調治日夕侍左右壯業賈有贏則盡以珍羞養父病日以愈父好作近遊有佳山水輒流連竟日招邀朋舊促膝扁舟凡酒琖茶具之類必豫爲周備父嘗語人曰此子其養吾志也父卒事母謹母病足不良於行與妻謀隨母所欲詣日備軟輿躬自扶持陪從二十年如一日季弟子行出繼伯父洵儀賞助之家藉以饒使伯父竟得豐養十年久者皆錫類友愛力也其嗣騰岳嗜學能詩走千數百里求文於饒州教授張瓊英以傳其父亦可想其梗概云

瑞金縣志

卷七

孝友

二十九

羅遇封字次甸邑庠生文行兼優奉守節祖母與孀母竭誠盡孝祖有遺產踰千金遇應析其半遵母命謂叔多男宜三之以其二歸叔又親爲九世祖構祠基址窄隘割已地以廣成之其爲人仁於閭黨有施無德色

羅讓字敬上太學生喜讀小學旣至論親規矩無或荒怠坐不倚立不跛世俗博奕歌嘯嬉戲之具不服於躬談諧之語不道於口侍父疾衣垢不知髮長委面面黎黑衿履若忘居父母喪不內寢不茹葷朝夕饋奠做文公家禮行之其外父孝廉鍾上銓見之稱於人曰吾甥讀小學乃如是年九十卒江西方伯鄞縣邵雙橋先生爲作墓誌

新增

陳承葵字諒忠例貢生五齡失怙奉母能先意承志有一姊
家貧歲贖財粟厚周之以求憐母憐愛意家人或小忤母
必加嚴責旋自跪母前引咎兄一蚤逝母慟之劇竭百計
爲慰子職之供歷母在如一日嘉慶乙丑得請坊

旌母節嗣母以壽終喪祭盡誠于鄉以孝友聞

瑞金縣志

卷七 孝友

四十

事功

太上立德其次立功人之所以不朽者惟此專業之昭著耳士君子讀聖賢書所學何事若名山養望純盜虛聲如殷深源房次律輩識者譏之蓋必坐而言者起而行以文章爲經濟大用之而大效小用之而小效稱其才力之所施而無忝于位此其建樹爲不可沒矣瑞邑自元明迄今登仕版者代有偉人或以寬厚慈仁關心民瘼或以長才碩畫宣力戎行卽膠庠之秀亦自有負幹濟才爲識時之俊傑者旂常竹帛未必盡書是宜彙而錄之以備他年之采錄焉

瑞金縣志

卷七 事功

四十一

元

楊本立號默庵自少知學通經史大義稍長見天下將亂遂棄去往學騎射擊刺角觝之事至正間有粵寇攻陷瑞邑本立父順卿家素豐有膽略遂陰部署勇壯攻寇克之寇計窮櫻城固守明日本立父子燔南城入盡殲其黨復得官印四是時全普庵撒里以尙書便宜行事守郡捷報至卽版授順卿寧都州判官本立瑞金簿築城壘葺廡舍拔尤選鋒厲兵購馬邑賴以安明年普庵以行中書叅政討袁州本立往獻良馬請率義兵從普庵許之而順卿乃升同知會昌州事未幾遂卒本立聞訃奔歸治喪郡守哈海

赤以瑞介閩廣多寇非本立不能治強起之越一月寇侵鄰邑本立于路邀擊之射賊帥中目死俘其人馬輜重送郡郡守大喜卽拔升本縣尹申朝頌命焉戊戌僞漢陳友諒陷江西全海二公皆死友諒將張某鎮贛給本立至厚禮遇之使復故職本立不受命庚子友諒復遣人授本立信豐尹皆不受未幾熊天瑞開府贛郡受友諒指必欲致本立既至復不屈佯狂以惡語侵天瑞天瑞怒拉出將殺之有裨將故與本立善力救之乃免遂拘贛城始終八年戊申明洪武改元始歸自贛年五十二以遺民卒于家

練通判墓志

瑞金縣志

卷七 事功

舊按新淦練通判高所作墓志載本立父子事甚悉不惟殺賊禦寇有功於郡邑者甚大且被拘執八年矢志堅貞不誣僞命則固元室之忠臣也故與練公臭味相投方公以直言忤旨謫臨汀通判過贛與本立相見宿於其家縱酒達旦臨別執手悲不能已聞其死哭之哀爲輟燈宴所以傾倒於本立者至矣而舊志不惟失載其事蹟并其姓字職秩而亦泯焉惟選舉志載楊順卿於薦辟條內且云至正間以人才薦任會昌州同知其出身既誤又沒其恢復城功何其失攷至此蓋縣志始作於明嘉靖年故元以前事率多遺漏舛誤尙幸墓志

存練公集中故今得採之以補其缺正其謬由是推之則吾邑人物以前無志乘而湮沒不傳者多矣安得博物君子探二酉之藏以寄拾遺之任哉

明

湯衡字執中洪武丙子歲貢知休寧縣擢中府都事以抗疏論時政左遷長清知縣丁艱復補昌化慈惠愛民勁直不撓時撫黎士官桀驚與邑宰抗深爲民害衡奏革士官黎人仍統於州縣自後地方乃寧祀昌化名宦

西江人物志

楊景華浮鄉一里人素慷慨負大畧明洪武初歲大饑民多隨寇作亂郡守申請將軍張可大征之殺邑民幾盡畱軍

瑞金縣志

卷七

事功

四十三

屯守遂占民膏腴之田爲七十二屯而不載糧糧盡攤於民田民不堪累時景華充糧長解糧至京奮然漆頭抱疏擊登聞鼓上之命未下卒於采石舟中時其子仕隆姪仕忠皆從扶柩歸葬畢復同往請於朝太祖檢原奏覽之勅戶部郎中某來勘得實乃將虛糧派入軍屯以納子粒因并圖分作五鄉八里民始得蘓先是景華卒時邑人走迎柩哭聲震路至是仕隆又卒邑人哭益哀各畫其像祀之仕忠歸以孝弟睦妯化其鄉里鄉人咸敬慕之年八十卒謝乾道字子誠嘉靖甲寅歲貢任思恩知縣思恩荒徼猺獞雜處乾道至興學校明教化不一年風俗丕變疏通水利

旱患頓除至今民食其利有權要授意置怨家於法乾道
不從竟去官歸祀思恩名宦吉水鄒忠介誌其墓

贛州府志

鄧仕字子元嘉靖戊午歲貢任柳州照磨署來賓縣值猺賊

攻城盡力防禦城賴以全遷吳縣主簿歷崇德丞操守清

介辨事明決海忠介公深加獎譽升武康知縣未任卒

鍾譔字近修隆慶間由選貢司訓南康為郡守所重署主白

鹿洞敎事轉永安學敎諭入為國子學錄滿考升武昌通

判職主餉却例金歲以千百計改吉府長史尋奔父喪服

除不起以壽終

江西志

朱靖幼孤貧奮志讀書博綜經史萬歷戊寅歲貢任浮梁訓

瑞金縣志

卷七 事功

導清操刻勵勤於訓迪士為所成就者眾升吉安永新敎

諭致仕歸祀浮梁名宦

朱辰字在象萬歷壬午選貢授新羅訓導學術品詣為諸先

達所推重與修江西通志會歲饑捐俸米給貧生升甯洋

敎諭益勤講課每出資以供學費上官廉其事皆助以銀

送其行

許宗慶字元善萬歷甲申選貢知武宣縣時龍山馬漏二盜

數屢肆劫掠請招撫單騎入巢開誠曉諭羣盜咸服遂散

歸增營堡去積蠹息虎患士民德之蒞官五載而歸

朱善卿字心齋萬歷間由諸生入南京國子監肄業期滿授

廣西按察司經歷在任三年爲撫軍陳所嘉獎捧表入賀
事竣歸與杭州別駕謝明麓載酒西湖酬武穆和滿江紅
詞慷慨激烈覽天竺飛來諸勝意氣飄然遂乞休歸修族
譜建祠堂置祭田以收合族姓周給貧乏凡邑中公事皆
捐貲倡首悉心擘畫無不得宜鄒忠介公少所許可獨推
重之顏其堂曰樹德邑侯潘舜歷作傳誌之

贛州府志

謝元賀字汝敬萬歷戊子舉人任福建永定知縣邑初建民
喜鬪輕生每採食斷腸毒草以假命圖賴元賀嚴加懲禁
刁風頓息盧生某滯獄十年未決元賀察其冤立爲昭雪
邑人頌之升禹州知州禁革重耗病民裁去門稅駐驛站

瑞金縣志

卷七 事功

四十五

之困減長差之苦政績著聞以忤宗藩左遷岳陽知縣卒
祀永定名宦子長良孫啓彥俱有文名

朱文紹幼失父事母盡孝與兄文緯力學尤悉心戴記天啓
甲子以明經薦崇禎間任巴陵知縣爲政不務操切專以
寬厚恤民爲念在任年餘政聲大起部給扁旌曰循卓後
以憂勞成疾屢乞休上官惜其才謀與量移得解職遂無
意仕進邀遊湖湘諸勝閱歲歸里疾作竟卒人共惜之

謝長達字觀我歲貢任河南獲嘉知縣爲政以正風俗端士
習爲先學宮敝壞捐俸新之朔望集諸生課文講學娓娓
不倦性恬淡清介俸入稍贏卽捐以給諸生之貧者以資

膏火民逋賦不能輸者悉蠲之居官一載辭歸邑民留之
不得乃肖像祀之去思祠頌曰萬家慈父十月清官

朱仁寶常鄉人勇力絕人負氣節尤好周人之急嘗有餓者
過其里仁寶食之嘉靖十九年甯都團箕山聚寇數百界
瑞東陞數爲患知縣王鈇集鄉勇將往捕之人皆竄匿仁
寶時年七十五獨詣縣求往覘虛實遂從數人行抵賊巢
賊帥一見卽問曰汝非朱仁寶耶仁寶曰然君何由知之
賊帥曰某卽公所食餓者也因畱款數日乘間動之以禍
福賊稍悟仁寶乃披心膽反覆說之賊遂隨仁寶詣縣降
縣具狀聞於虔臺以功授叅將辭不受以壽終

瑞金縣志

卷七 事功

四十六

謝元賞字懋所天啓乙丑歲貢賦性專篤幼時讀書日不能
數行兄元賀課督殷勤令之默坐凝思久忽有悟以所得
質之兄兄大稱奇自是輒能強記作文別有異解初任彭
澤教諭布衣蔬食日手一卷與寒士無異諸生中有文行
優異者每捐俸入獎勵之升象州學正有富生犯姦罪上
行學核實欲置之法生懷百金賄之却而嘆曰不意吾門
有是事汝自爲之遂解組歸

李楠選貢生性介特不肯媿阿隨時選同州州同以才能著
稱蒞任未久卽解組歸杜門却掃當事處未嘗輕投一刺
鍾鳴時字泰鄰崇禎癸酉歲貢授永甯訓導鼎新學宮人文

日盛擢甯遠知縣尋判永州其地溪流暴漲民蕩析無甯
居鳴時督工除其水患遷南甯同知撫賊有功南甯之人
圖像以祀除漢陽知府未赴卒

國朝

楊斗字爾秀崇禎己卯拔貢學使侯峒曾奇其文摯之同行
歷試十三郡皆命之陪試每揭一榜必首列其名爲人懷
慨負大畧嘗讀書銅鉢山中僧數千人皆聽斗號召甲申
後邑大亂嘗以僧兵擊土寇敗之同事忌其能將圖之斗
覺同飲寺城西寺中酒半作起如廁遂遁去變姓名匿萬
洋山中後虔撫劉某知斗名延致之幕中命招撫萬洋山

瑞金縣志

卷七

事功

四十七

賊事成上其功授山東莒州同知改任山西布政司都事
卒於官年八十一著有木齋詩及制義若干卷

謝孔傳字宗一邑庠生慷慨負氣節有幹濟畧當戊子己丑
間挈族避亂程鄉已復歸爲保聚計集衆築長江圍以安
鄉里宗族招回流散日出耕作夜相守望時在處山寇竊
發惟相戒不敢犯長江圍境大兵南下汀州長江圍界連
汀郡有沈某者獨不服王化汀鎮王某率兵破之沈軼出
謀復仇孔傳冒險夜行入其軍反覆陳說利害沈悟而罷
全活生靈甚夥順治十一年逆賊許勝可鍾四總等哨眾
羅漢巘時出劫掠爲鄉邑大害孔傳每率義勇截殺屢挫

其鋒賊於是不敢復出孔傳乃潛詣南贛軍門具呈撫院
宜永貴乞師勦寇宜公傳孔傳入署問狀孔傳面陳搗巢
破賊之計甚悉宜公悅卽遣楊許二副將領兵至一舉殲
之民慶更生邑人至今頌其功勿衰

楊以儒字惟修歲貢行業文章爲當世宗仰尤好施予多隱
德不求人知初里役爲邑大害十年輪充名爲值櫃凡上
官之差遣錢糧之收貯解遞大軍大差之往來送迎一切
諸務總委之里長蠶書奸隸互相魚肉雖富戶輪值一年
其家立破若窮苦小民則鬻子賣妻不足以供僦心傷之
訴之上官破產千金經營三載上官廉其狀將所訴一應

瑞金縣志

卷七

事功

四十六

積弊陋規盡爲革除勒石永禁里長名色而後入鄉里民
始得蘓息至今人食其德先是明洪武時其祖景華伏闕
奏免邑虛糧今僦復爲一邑革除里役人謂世濟其美云
朱康侯字小康號容庵巴陵知縣文紹次子也少有清操風
格峻整士友咸憚之善屬文尤工於詩以歲貢任弋陽訓
導勤於課督士初苦其嚴繼而服其教日益相親弋民多
阻險逋賦往往椎殺追呼吏卒令不能治以康侯人望委
之追責於鄉辭非職強之行至則鄉人交相謂曰朱公賢
者義不可負遂爭相輸納諸生吳進家貧無子將鬻妾以
償逋賦康侯捐俸全之遷象山丞康侯不願就遂辭歸杜

門著書以自娛年九十燈下猶能作蠅頭小楷論者以孫明復石徂徠方之祀弋陽名宦

謝聘字志尹號莘園領癸卯鄉薦素饒經濟甲寅乙卯間閩變起汀僞將劉應麟猝擁眾萬餘臨瑞聘告急贛城及甯都守將援勦邑賴以全性至孝父病衣不解帶者三年父歿事母依依孺慕不忍一日離膝下戊辰需次當及恐遠宦不能迎養遂不赴選與人交死生不異周給三黨不以有無爲辭四子皆有文名重捷湖口訓導重拔以拔貢任東鄉教諭重揮武甯訓導重揚舉人已丑續志出重拔手

贛州府志

瑞金縣志

卷七 事功

四十九

胡朝極字次五少喪父母鍾氏守志嚴訓之朝極善奉母志力學有成壬子舉於鄉任廣昌教諭捐俸修理學宮課士先品行而後文藝多士翕然向風甲子分校福建鄉闈所拔皆知名士丁母憂歸服闋補靖安教法如廣昌致仕靖安人士爲建去思祠里居以古道自處尤多隱德藍玉團鄉人歲輪值地方役重費繁朝極倡眾釀粟權子母息收其入以給當役者鄉人至今賴之又修理舊渡捐田贍之孫泰進士任湖南知府曾孫修乾隆壬申舉人

陳讓字光表廣東瓊州府經歷以才能爲當道所推重署篆崖州嚴海防修戰艦飭舟師海外夷俗錮婢不嫁勒爲私

娼讓至禁絕之俗爲之一變又蠲鋪稅與利剔弊政聲大著致事歸築室於羅溪之修竹里好善樂施捐建放生禪院請於邑宰郭懷琮革縣前潭稅禁止網罟爲通邑放生之所性好施建亭贍茶捐田飯僧及捐產贍祭贍學類難悉舉卒年七十有八孫尙恬自有傳

楊以兼字惟才父長世以文章領袖東南之士以兼纘承家學年少文名大起領順治庚子鄉薦任河南涉縣知縣時河北諸郡縣皆大旱民采木葉以食山中百樹皆童國課不供民多流散長令畏懾不敢申請蠲免以兼毅然行之諸郡縣盡得豁除復出米麥爲粥以食饑者始終三年不

瑞金縣志

卷七 事功

五十

倦所全活不可勝計嘗禱雨跣行烈日中且拜且哭雨隨聲注人呼楊公雨革耗羨及雜稅歲不下數千金丁父憂去百姓遮道哭抱持馬首至不得行立碑道左而祠祀之服闋以祿不逮養遂不起所居別墅曰適園亭臺池館竹樹之勝甲一邑步履優游翛然塵外性喜爲詩年九十餘猶曰與子姪孫曾輩相倡和名德並隆福澤壽考爲近世文人之所未有曾孫方立戊辰進士官編修

管志甯字一士性聰敏好學工詩兼善相地之術爲諸生負笈遠遊遍歷吳越山水與諸名士贈答往來風流自賞雍正元年方經營萬年吉地有知志甯者言於

上詔徵入京奏對稱

旨授戶部主事

命往易州相視後轉陝西司員外郎改禮部主客司員外郎以
丙艱歸服未闋復召入都遍閱盛京

諸陵

賜予甚厚以勞瘁感疾卒

陳受漣字以清號浣園歲貢生初任直隸新安知縣以才能
著稱升貴州鎮遠知府地當衝衢苗彝雜處受漣才猷敏
練鎮定有餘在任數年巖疆帖服遷浙江甯紹台海道副
使以事免宦橐蕭然子孫至不能自存其清操可想見矣

瑞金縣志

卷七 事功

五十一

郭兆昌字次郊歲貢任高安訓導倡修學宮振興士氣廩生
袁某因事牽累兆昌察知其冤力為調護竟得保全又嘗
辨釋朱陳二生冤獄高安舊有義學田六十畝因義學久
廢田租歸教官徵收兆昌至即交出以資諸生膏火後致
仕邑士立去思碑以志不忘子有綸字呂封邑庠生

賴梯雲字岸羣歲貢任廬陵臨川訓導早失怙事庶母如母
兄弟友愛無間家政委之仲弟有園一區購書數千卷誦
讀其中知縣馬士奇議建丙丁二塔以振文風首捐百金
與友人諸生朱芾仲弟定俸時奔走兩峰間雖冱寒酷暑
不少避閱三載而迄有成功教廬陵時倡率紳士改建學

宮規模壯麗吉人至今頌之

楊校珽字德弢歲貢任永新教諭善事繼母待異母弟備極
友愛教永新時捐俸倡修學宮請廣學額有某生被仇誣
陷禍幾不測白之當事冤立雪士多感激任滿邑紳具呈
攀留者至百數十人不報可則設供張祖道賦詩撰文贈
別送者數十里不絕生平樂善好施嘗捐百金鼎建祖祠
又捐百餘金修文廟大成殿前後捐二三百金助建雲龍
雙清車斷隘諸石橋丙丁二塔亦捐百餘金其他義舉多
類此每遇歲歉出谷減價平糶極濟飢民鄉鄰賴之至價
賤而後已年至九十一卒親見五世孫人以爲盛德之報

瑞金縣志

卷七

事功

三十二

云

明

鍾承福字東溪才畧過人嘉靖間寇盜蜂起焚掠鄉村福集
義勇多方捍禦嘗伏兵於桐木隘擊之賊衆敗走遠近以
安

鍾良維有智勇嘉靖間賊首葉蒯葉淮聚數百人入境殺掠
甚慘維同鄉兵設伏掩殺賊畏之數招維入其黨不可一
日猝與賊遇被獲賊酋喜甚把酒奉維上坐至寒信峽使
維取竹木作筏渡水維佯許之因陰與峽上鄉兵合謀力
攻殲賊大半餘墮水死至今傳其事云

國朝

鍾嶽鳴字驚羣康熙丙辰丁巳間耿逆弄兵瑞被逼迫邑文武官割辮以從有偽總兵楊應月者邑人也挾其黨入鄉爲崇老稚惶懼嶽鳴與族兄弟六錫迅舉叔達等犄角之楊不敢逞民賴以安

廖揮字羣蘓號淡軒年二十入武庠庚寅舉於鄉戊戌成進士引

見以營守備用選授陝西回原鎮永安營守備固原爲西北重鎮永安尤扼要害公勤於訓練士卒精良不敢逞驕悍制軍及提鎮以下皆倚重之未四年卽受知于署督李公侍

瑞金縣志

卷七 事功

五十三

堯

題補甘肅張義營都司調補陝西河州營都司事軍政卓異

簡拔貴州鎮標遊擊乾隆六十年正月銅仁逆苗滋事鎮遠鎮珠公隆阿前往查辦賊卒擁精銳萬餘人于正大營圍之公領兵倍道赴援至則身先殺賊數人斫圍直進一戰而嚴解矣旋派赴各隘口堵禦復隨珠公帶兵由夾地營至松桃進征卡羅及新寨麻家寨等處烏道蠶叢攀援而上王宰之摩雲百折常開平采石一躍公庶幾媲美與于是雲貴總督福公康安四川總督和公琳按功具奏欽奉

恩旨賞戴花翎旋以黃瓜寨戰功

賞賜白玉翎管一班指套一公益思奮勉報國嘉慶元年部推山西老營營參將于時南籠狃苗繼起雲貴總督勒公保檄隨翼長常公明施公縉由卡子河進兵至五孔橋水渡河賊解圍散去公乘勝追逐砲傷左股猶生擒賊首二人勒公上其事蒙

賜象牙小刀一具大小荷包二具隨赴新城調養適賊撲城東山梁營卡公帶傷往援截殺無算遂赴與北北鄉一帶及高寨等勦洗賊巢蕩平餘匪是役也經事各督兵大臣十六人身親七十餘戰斬首數千級往來黔滇之交馳驅叢莽之地躍馬提戈從無僨事蓋公忠義本于性生遇事激發而又能與士卒同甘苦不貪近功不急小利故所向克捷雖古名將不是過也嗣以軍事告成給咨引

瑞金縣志

卷七 事功

五十四

見蒙

溫諭令赴新任後三年巡撫伯公齡保列一等軍政卓異護太原鎮篆擢授浙江湖州協副將調杭州協副將 奏署衢州鎮總兵一切軍令嚴肅節制有方嘉慶十六年公年六十有五舊傷屢發陳情乞休

皇上憫其前勞以原品給與全俸公歸里亟葺修宗祠肅俎豆隆祭享族人貧不能給者量力以資無稍吝居恆好與人爲善恂恂訥訥未嘗言兵事公今年七十有七矣雖廉將

軍尚健飯卒不聞據鞍顧盼以自誇其矍鑠其亦善處功名之際與

瑞金縣志

卷七 事功

五十五

